

凡驛各置長一人取驛戶內家口富幹事者爲之一置以後悉令長仕謂牧○長○

〔唐六典太僕寺〕諸牧監掌群牧孳課之事略○中凡馬牛之群以百二十駝騾驢之群以七十羊之群以

六百二十群有牧長牧尉

補長以六品已下子白丁雜色人等爲之補尉以散官八品已下子爲之品子八考白丁十考隨文

武簡試與資也○中

凡監牧孳生過分則賞

謂馬贖駒一則賞絹一匹駝騾之贖倍於馬驢牛之贖三白羊之贖七殺羊之贖十皆與馬同其賞

物二分入長一分入牧子牧子謂長上專當者○中

凡官畜在牧而亡失者給程以訪過日不獲估而徵之

謂給訪限百日不獲準失處當時估價徵納牧子及長各知其半若戶奴無財者準銅依加杖例如

有闕及身死唯徵見在人分其在厩失者主帥準牧長飼丁準牧子其非理死損準本畜徵納也

凡在牧之馬皆印

印右膊通鑑注右膊作左膊以小官字右髀以年辰尾側以監名皆依左右廂若形容端正擬送尙乘不用監

名二歲始春則量其力又以飛字印印其左髀通鑑注作右髀細馬次馬以龍形印印其項左送尙

乘者尾側依左右閑印以三花其餘雜馬送尙乘者以風字印印左膊以飛字印印左髀通鑑注左髀作右髀

驛牛驢則官名誌其左膊監名誌其右髀通鑑注作右髀驛羊則官名誌其頰羊仍割耳若經印之後簡入別所者

各以新入處監名印其左頰官馬賜人者以賜字印配諸軍及充傳送驛者以出字印並印左右頰

也

〔延喜式四十八〕凡官牧馬帳甲斐國信濃上野附牧監武藏國附別當進寮寮勸損益移主計寮

〔類聚三代格十五〕太政官符